

AALLAQQAASIUT

Ilanngussami matumani nassuiaassutigineqarput Illuutip aamma Sullissisup akornanni paasissutissat inunnut tunngasut suliarineqartarnerannut tunngasut, tassa attartortunik sullissinermi suliat ingerlanneqarnerannut atatillugu, tak. § 11 imikkoortoq 2.

1. Tunngaviusut

- 1.1 Sullissinernik suliarinninnernut atatillugu Sullissisup Illuut sinnerlugu paasissutissat inunnut tunngasut suliarisarpai aamma ingerlateqqittarlugit (taakkununga ilaapput ateq, kinguliaq, atorfiup suuneraasinnaavoq, najugaq, telefonip normut, e-mailikkut allagarsisarfik, akiliinermut tunngatillugu paasissutissat, inuup normua/sulisutut normu, suliffeqarfimmi inuit saaffigisassat pillugit paasissutissat, akiliisarnerup oqaluttuassartaa, PBS-imi il.il. atuineq). Paasissutissat tamakku inunnut tunngasut Sullissisup Illuut sinnerlugu Suliassanik suliarinninnerminut Paasissutissanut Akisussaasuumut atortarpai, matuma kinguliani taaneqartassaaq "paasissutissat inunnut tunngasut".
- 1.2 Sullissisup paasissutissat inunnut tunngasut taamaallaat atorsinnaavai Sullissinernik sullissinermut siunertaqartumik. Pingaarnertut atuineq pisassaaq nalunaarsuineranut, tulleriiaarineranut aamma Sullissinernut ingerlatsinissamut atatillugu paasissutissanik suliaqarnermut suliarinninnermik.

2. Paasissutissanik passussisartut allat

- 2.1 Sullissisartup sullissisunik allanik taamaallaat atuisinnaavoq taanna sioqqullugu Illuutip akuersissuteqareerneratigut. Piffissap isumaqatigiissuteqarfiusup pinerani Sullissisartup atugassaa tassaavoq atortoq UNIK System Design, taamatuttaaq Inventio IT sullissisutut allatut suliassanik suliarinninnermut atatillugu, tamanna Illuutip akuerisarivaa.
- 2.2 Sullissisup qulakkiissavaa sullissisumut isumannaatsumik tulluurtumik (isumaqatigiissut) iliuseqarnermigut, tassa isumannaallisaanissamut iliussissatut piomasaaqatit naammassineqarsimassapput imm. 5-imi taaneqartut.

3. Paasissutissanik suliarinninneq inuk pillugu paasissutissanut inatsit tunngavigalugu

- 3.1 "Inuk pillugu paasissutissanut inatsit" imatut paasineqassaaq paasissutissat inunnut tunngasut suliarineqartarnerat pillugu inatsit (inatsit normu 429, 31. maaji 2000-imeersoq kingusinnerusukkut allanngortinneqartoq), taanna Kalaallit Nunaannut atortussanngortinneqarpoq Kunngip peqqussutaa normu 1239, 14. oktobari 2016-imeersukkut.
- 3.2 Illuut imatut akisussaassuseqarpoq inuk pillugu paasissutissanut inatsit naapertorlugu paasissutissanut akisussaassuseqartumut piomasaaqatit tunngavigalugit, tamatumunnga ilanngullugit qulakkiissallugu inuk pillugu paasissutissanut inatsit naapertorlugu Inuk pillugu paasissutissanik suliarinninnermi pisariaqartumik akuersissuteqartoqarsimamera, aammattaaq inuk pillugu paasissutissanut inatsimmi isumannaatsuunissamut piomasaaqatit suliarinninnermut atatillugu eqqortinneqarnissaat.
- 3.3 Sullissisup Inuk pillugu Paasissutissanik suliaqarnerani atuupput, tassa Sullissisoq
 - (a) taamaallaat iliuseqassaaq Illuummit ilitersuuteqarneq naapertorlugu;

- (b) teknikikkut aqqissuussaaniikkullu isumannaallisaatinik pisariaqartunik aalajangersaassaaq (taakkununga ilanngullugit Illuut pisortat ingerlatsiviannut ilaappat nalunaarut normu 1404, 29. novembari 2016-imeersoq naapertorlugu isumannaallisaassuteqassaaq Kalaallit Nunaanni pisortat ingerlatsiviini paasisutissat inunnu tunngasut suliarineqartut illersorneqarnissaannut isumannaallisaassuteqarluni), tassa paasisutissat nalaatsornermik imaluunniit inatsisinik unioqqutitsisoqarneratigut suujunnaarsinneqarsinnaanerata, annaaneqarsinnaanerata ajorseriaateqarsinnaaneralluunniit akiorniarlugu kiisalu allanit susassaqaqngitsunit ilisimaneqalersinnaanerata, inuk pillugu paasisutissanut inatsimmut akkerliussumik allatulluunniit atornerlunneqarsinnaanerata akiorniarlugu; aamma
- (c) Illuummit qinnuigineqarneq tunngavigalugu Paasisutissanut akisussaasumut paasisutissanik naammattunik tunniussissaaq, taassuma nakkutigisinnaassallugu teknikikkut aamma aqqissuussaaniikkut isumannaallisaatit aalajangerneqarsimanersut.

3.4 Sullissisup anguniassavaa sapinngisamik piaarnerpaamik Illuut ilisimatissallugu inuk pillugu paasisutissanut inatsisip unioqqutinneqarneranik pasinartoqarsinnaappat, ingerlatsinermit akornuteqartoqarpat imaluunniit paasisutissat inunnu tunngasut suliarineqarneranni immikkut sunniuteqarsinnaasunik.

4. Isumannaallisaanermut iliuutsit

Sullissisup teknikikkut aqqissuussaaniikkullu isumannaallisaatit atuutilersissavai taamaaliornikkut Paasisutissat inunnu tunngasut qulakkiissallugit aamma illersussallugit, tassa paasisutissanik suliarinnittussatut isumaqatigiissummut matumunnga atatillugu, isumannaallisaanermi ajutoornissaq aamma atornerluinissaq pinngitsoortinniarlugu. Iliuutsini taamaattuni minnerpaamik inuk pillugu paasisutissanut inatsimmi atuuttumi qaffasissutsit atuuttut naammassineqassapput, kiisalu passussinermit nalorninaroorfiussinnaasut suugaluartut pinngitsoortinniarlugit atortut tulluurtut atornerqassapput, tamatumunnga ilanngullugit kisianni killissaat tikinnagu:

- (a) Inuk pillugu paasisutissat ilisarnarunnaarsinneqarsimassapput aamma paasiuminaallitinneqassallutik,
- (b) Inuk pillugu paasisutissat inunnu/immikkoortunut susassaqaqngitsunut nuunneqarsinnaanerata akiorniarlugu iliuuseqartoqassaaq, tamatumunnga ilanngullugit attaveqatigiinneq isumannaatsoq inuk pillugu paasisutissanik nuunneqartunik paasiuminaallisaanikkut,
- (c) Passussinermit atortunik aamma sullissinernik tatigeqatigiinneq, avataanit sunnerneqarsinnaannginneq aamma akiuussinnaaneq qulakkeerneqassapput,
- (d) Atortunik imaluunniit teknikikkut arlaannik pisoqartillugu piffissaq naammaginartoq atorlugu inuk pillugu paasisutissanik utertitsinnaaneq, tikitsisinnaaneq aamma isersinnaaneq qulakkeerneqassaaq,
- (e) Teknikikkut aamma aqqissuussaaniikkut pissutsit aamma passussinermit isumannaallisaanerup naammaginaratumik pitsaasuunerata qulakkeerniarlugit akuttunngitsumik misilittarniarlugit suleriaatsinik pilersitsisoqassaaq,
- (f) Inuk pillugu paasisutissanik passussinerup naammassineqarnerata kingornatigut tamakku qularnaatsumik aamma utertinneqarsinnaanngitsumik nunguternissaat qulakkeerneqassaaq.